

## ԱՐՁԱՆԱԳՐՈՒԹՅՈՒՆ

### ՓՄՁ զարգացման խորհրդի քարտուղարության 2012թ. փետրվարի 3-ի նիստի

Նիստը վարում էր ՀՀ էկոնոմիկայի նախարարի առաջին տեղակալ **Կ.Մինասյանը**

Մասնակցում էին՝

Վահե Զիրուխյան	Գործարար միջավայրի բարելավման վարչության պետ
Արմեն Եգանյան	ՓՄՁ զարգացման վարչության պետ
Ժաննա Բաղդասարյան	ՓՄՁ զարգացման վարչություն, գլխավոր մասնագետ
Ալիսա Գրիգորյան	ՎՋԵԲ, Գործարարության աջակցման գրասենյակի ղեկավար
Սյուզաննա Ծատուրյան	ՎՋԵԲ, խորհրդաատու
Իզաբելլա Հովհաննիսյան	ՎՋԵԲ, խորհրդաատու
Գևորգ Պողոսյան	ՎՋԵԲ, խորհրդաատու
Հակոբ Ավագյան	ՎՋԵԲ, խորհրդաատու
Վահագն Ղազարյան	ԵԱՀԿ, խորհրդաատու

Օրակարգում՝

1. Փոքր և միջին ձեռնարկատիրության զարգացման խորհրդի 02.11.2011թ. նիստի հանձնարարականների կատարման ընթացքի մասին հաշվետվություն.
2. Փոքր և միջին ձեռնարկատիրության աջակցման խորհրդի երկրորդ նիստի հանձնարարականների կատարման հետ կապված հետագա անելիքների որոշում.
3. Ընթացիկ այլ հարցեր

*Քննարկման արդյունքում տրվեցին հետևյալ հանձնարարականները՝*

1. Վերջնական լուծում ներկայացնել հավաքական բեռի փոխադրման կանոնակարգի նախագծի մշակման վերաբերյալ (**Ա. Եգանյան, Ժամկետ՝ մեկ շաբաթ**).

2. Գործարար համայնքի հետ քննարկումներ անցկացնելուց հետո համապատասխան առաջարկ ներկայացնել 2000թ. Դեկտեմբերի 27-ի “ՀՀ մաքսային տարածքով ապրանքների և տրանսպորտային միջոցների տարանցիկ փոխադրման ու պարտադիր մաքսային ուղեկցման դեպքերը սահմանելու կարգը հաստատելու մասին”

ՀՀ կառավարության թիվ 887 որոշման վերանայման վերաբերյալ (**Ա. Եգանյան, Վ. Ղազարյան, Ժամկետ՝ 10 օր**).

3. Կատարել վերլուծություն և ներկայացնել առաջարկություն այն մասին, թե տնտեսվարող սուբյեկտն իրավաբանական անձանց պետական ռեգիստրի գործակալությունում գրանցվելուց և ՀՎՀՀ-ն ստանալուց հետո, ինչպես տեղեկանա, թե որ տարածքային հարկային տեսչությունում է հաշվառվում (**Հ. Ավագյան, Վ. Ղազարյան**).

4. Գործարար համայնքի ներկայացուցիչների հետ քննարկել, թե արդյոք վերջիններս ցանկություն ունեն իրավաբանական անձի ֆիրմային անվանման գրանցման հայտում լրացնելու իրենց հեռախոսահամարները և էլ. հասցեները՝ օրենսդրական փոփոխությունների և սեմինարների մասին տեղյակ լինելու նպատակով (**Հ. Ավագյան**).

5. «Հարկերի մասին Հայաստանի Հանրապետության օրենքում փոփոխություններ և լրացումներ կատարելու մասին» Հայաստանի Հանրապետության օրենքի նախագիծը (Հարկային մարմնի կողմից գույքի արգելադրման և արգելանքը վերացնելու) քննարկել ՀՀ ֆինանսների նախարարության աշխատակազմի վարչության պետ Վախթանգ Միրումյանի հետ (**Ի. Հովհաննիսյան**).

6. Ներկայացնել առաջարկություն հաշվապահական կենտրոնի գործունեությունն ակտիվացնելու վերաբերյալ, ինչպես նաև պարզել ներկայում վերջինիս կողմից իրականացվող գործունեության վերաբերյալ մի շարք տվյալներ՝ հաճախորդների թիվը, ծառայությունների սակագների որոշման կարգը և այլն (**Ա. Եգանյան, 1 շաբաթվա ընթացքում**).

7. Ուսումնասիրել քրեական պատասխանատվության կամ քրեական գործ հարուցելու հարցը՝ հաշվի առնելով այն հանգամանքը, որ ճշգրիտ տեղեկությունները սահմանված ձևով չհայտարարագրելը կարող է հանդիսանալ վրիպակ և չառաջացնել մաքսային վճարների նվազեցում: (**Վ. Ղազարյան, փետրվարի 13-ից, 1 շաբաթ**).

8. Ուսումնասիրել ընկերությունների լուծարման գործընթացը և ներկայացնել առաջարկություն ժամկետների հստակեցման վերաբերյալ (**Հ. Ավագյան, Ի. Հովհաննիսյան**).

9. Իրավական ակտերում վատթարացնող նորմերի օրենքով սահմանված ժամկետում ուժի մեջ մտնելու վերաբերյալ քննարկում ՀՀ արդարադատության նախարարության հետ (ՎՋԵԲ, ԳԱԳ)

10. Հունվարի 1-ից ուժի մեջ մտած հարկային փաթեթի վատթարացնող նորմերի՝ օրենքով սահմանված ժամկետների խախտմամբ ուժի մեջ մտնելու վերաբերյալ պաշտոնական պարզաբանման առաջարկ ՀՀ ԿԱ ՊԵԿ-ին՝ Ֆինանսների նախարարության աշխատակազմի վարչության պետ Վախթանգ Միրումյանի հետ քննարկումից հետո (**Ի. Հովհաննիսյան, Հ. Ավագյան**):

11. Մշակել 2011 թվականի հուլիսի 7-ի «Հայաստանի Հանրապետության փոքր և միջին ձեռնարկատիրության զարգացման խորհուրդ ստեղծելու, դրա կազմն ու աշխատակարգը հաստատելու մասին» թիվ 638-Ն որոշման մեջ փոփոխություն կատարելու մասին» ՀՀ վարչապետի որոշման նախագիծ, որտեղ կսահմանվի ռոտացիայի դասական կարգ (**Ս. Ծառուրյան**)։

12. ՀՀ քրեական օրենսգրքի հոդված 205-ի վերլուծություն և առաջարկությունների ներկայացում (**Ի. Հովհաննիսյան, Ժամկետ՝ մարտի 1**)։

**Հիշեցում.** Զանգահարել ՀՀ արդարադատության փոխնախարար Ա. Օրբեյանին ԴԱՀԿ ծառայողների կողմից դատարանի պարտապանի գույքը արգելանքի դնելու մասին որոշումը կատարելիս առաջացող խնդիրների վերլուծության և լուծման առաջարկների վերաբերյալ գրության համար (**փետրվար 6, Կ. Մինասյան**)։

**Տեղեկացում.** Մինչև Խորհրդի հաջորդ նիստը պատրաստ կլինի էլեկտրոնային ստորագրությունների տրամադրման հետ կապված հարցի լուծումը: Ստորագրությունները կտրամադրվեն անվճար:

Արձանագրեց՝

Լ. Ավենյան